

REPUBLIKA E KOSOVËS KOMUNA GLLOGOC GLLOGOC MUNICIPALITY			
PRANUAR		13/08/2026	
Nj. Org.	Numër	Shtojca	Vlera
13	400/01	33866	



Republika e Kosovës
 Republika Kosova – Republic of Kosovo
Komuna e Drenasit
 Opština Drenas – Municipality of Drenas
 Drejtorati për Shërbime Publike dhe Emergjencë



Shqyrtimi Publik

Draft-Plani Komunal për Transportin Lokal 2026-2031

Datë: 13.08.2026

Përgadtija e raportit u bazua në Ligjin numër 03/L-040 për Vetëqeverisjen Lokale, Statutin e Komunës së Drenasit (Gllogocit), 01 Nr.110-6904 dhe Nenit 19 të Udhëzimit Administrativ (MAPL) Nr.04/2023 për Administratë të Hapur në Komunë.

Ky dokument ka qenë në konsultim publik nga data 01.07.2026 deri më 20.07.2026, ndërsa konsultimi publik me qytetarë është mbajtur më datë 17.07.2026, në sallën e Kuvendit të Komunës, duke filluar nga ora 14:00.

Konsultimin e shpalli të hapur z. Bekim Dobra, Udhëheqës i Zyrës për Komunikim me Publikun, lidhur me Draft Planin Komunal për Transportin Lokal. Ai falënderoi të pranishmit për pjesëmarrje dhe i njoftoi për qëllimin e konsultimit publik, rëndësinë e përfshirjes së qytetarëve dhe grupeve të interesit në procesin e hartimit të dokumenteve strategjike, si dhe për afatet ligjore për paraqitjen e komenteve dhe sugjerimeve. Komuna kishte bërë njoftimin publik 15 ditë më parë dhe kishte publikuar edhe linkun e draft-dokumentit, në mënyrë që secili qytetar të kishte mundësi ta shqyrtonte përmbajtjen e tij dhe të paraqiste komentet dhe sugjerimet. Duke qenë se dokumenti është ende në fazën e draftit, qytetarët u ftuan të japin komentet, sugjerimet dhe rekomandimet e tyre, me qëllim që ato të inkorporohen në Draft Planin Komunal për Transportin Lokal.

Fillimisht, fjala iu dha drejtorit të Drejtorisë së Shërbimeve Publike dhe Emergjencë, z. Nexhmedin Gruda, e më pas shefit të sektorit, z. Afrim Prokshi, për prezantimin e draft-planit.

Z. Gruda falënderoi të gjithë të pranishmit që kishin gjetur kohë të merrnin pjesë në konsultimin publik për Draft Planin Komunal për Transportin Lokal. Ai theksoi se deri në atë moment nuk ishte pranuar asnjë koment apo sugjerim në adresën elektronike të drejtorisë dhe i ftoi të pranishmit që, pas prezantimit të dokumentit, të ndiheshin të lirë të paraqisnin çdo koment apo sugjerim të vlefshëm, i cili mund të përfshihej në draft-plan para se ai të procedohej për miratim në Kuvendin Komunal.

Për një prezantim më të detajuar të Draft Planit Komunal për Transportin Lokal, fjala iu dha shefit të sektorit në Drejtorinë e Shërbimeve Publike dhe Emergjencë, z. Afrim Prokshi, i cili falënderoi të pranishmit dhe paraqiti përmbajtjen e draft-planit në pika të shkurtra si më poshtë:

Prioritetet e PKTL-së

Prioritetet e Planit Komunal të Transportit Lokal janë:

1. Shtrirja e shërbimit të transportit të udhëtarëve me autobus dhe autotaksi në të gjithë territorin e Komunës së Glllogocit;
2. Përmirësimi i ofrimit të shërbimit në transportin publik të udhëtarëve, në vijat e rregullta dhe ato jashtëlinjore, sipas ligjeve në fuqi dhe Rregullores komunale nr. 06-7086, të dt. 19.02.2014, për transportin publik të udhëtarëve;
3. Hartimi i rendeve të udhëtimit dhe respektimi i tyre për ofrimin e një shërbimi më efikas në transportin publik të udhëtarëve;
4. Ndalimi i mbingarkesës për operatorët me autobusë, minibusë dhe autotaksi;
5. Ndërtimi dhe sinjalizimi horizontal e vertikal i vendndalesave për autobusë, si dhe mirëmbajtja e tyre, përkatësisht e vendparkimeve të autobusëve, minibusëve dhe autotaksive;
6. Përmirësimi i qasjes për persona me aftësi të kufizuara (PAK);
7. Ndërtimi, zgjerimi dhe mirëmbajtja e parkingjeve publike.

Vizioni i PKTL

Glllogoci me një sistem transporti lokal të integruar dhe të sigurt, me rrugë funksionale, transport publik efikas, infrastrukturë për këmbësorë dhe biçikleta, që redukon trafikun, ndotjen dhe kohën e udhëtimit ndërmjet fshatrave dhe qendrës urbane.

Synimi i PKTL

Synimi i këtij plani është zhvillimi i një sistemi të qëndrueshëm, të sigurt dhe efikas të transportit në Glllogoc, i cili përmirëson qasjen dhe lëvizshmërinë për qytetarët, rrit sigurinë në komunikacion, lehtëson lidhjen ndërmjet zonave urbane dhe rurale, si dhe mbështet zhvillimin ekonomik dhe mbrojtjen e mjedisit.

Objektivat dhe caqet e Planit

PKTL-ja përmban gjashtë objektiva si me poshtë:

Objektivi 1: Mbulueshmëria e vendbanimeve të komunës me transport publik të udhëtarëve

Objektivi 2: Shenjëzimi dhe mirëmbajtja e vendndaljeve ekzistuese të autobusëve.

Objektivi 3: Ndërtimi i vendndalimeve jashtë shiritit rrugor për autobusë dhe bus- kabinave për udhëtarë

Objektivi 4: Forcimi institucional dhe financimi i sektorit të transportit:

- Partneritete publiko-private.
- Plan investiv për infrastrukturë të transportit rrugor.
- Koordinim komunë–nivel qendror për projekte prioritare

Objektivi 5: Përmirësimi i qasjes për persona me aftësi të kufizuara

Objektivi 6: Eliminimi i transportit ilegal dhe vendndaljeve ilegale të autobusëve

Gjithashtu, theksoi se në plan është i paraparë edhe plani financiar i veprimit dhe i monitorimit për vitet 2026–2031, sipas objektivave përkatëse, në tabelën në faqe 66 të PKTL.

Pas përfundimit të prezantimit të draft-planit nga shefi i Drejtorisë së Shërbimeve Publike dhe Emergjencë, z. Bekim Dobra hapi debatin lidhur me propozimet dhe komentet e qytetarëve.

Hafiz Muja – Administrator i fshatrave Gradicë dhe Likoshan – Përhëndetje për të gjithë dhe faleminderit për ftesën. E kemi shqyrtuar draft-planin dhe konsiderojmë se është një dokument i punuar mirë. Kërkojmë nga Komuna që, për të ardhmen, të shqyrtojë mundësinë e subvencionimit të operatorëve, në mënyrë që të mund të operojnë pa pengesa, për shkak të numrit të vogël të udhëtarëve.

Habib Gashi – Administrator i fshatit Nekoc – Përhëndetje për të gjithë të pranishmit. Kemi një kërkesë për Komunën dhe Ministrinë përkatëse lidhur me rrugën Komoran–Carralevë, e cila paraqet rrezik të shtuar për shkak të shpejtësisë së lëvizjes së automjeteve dhe mungesës së vendndaljeve për autobusë. Kjo situatë paraqet rrezik për aksident, si për automjetet, ashtu edhe për këmbësorët.

Pas dëgjimit të komenteve dhe kërkesave të qytetarëve, përgjigje dhanë drejtori i Drejtorisë së Shërbimeve Publike dhe Emergjencë, z. Nexhmedin Gruda, dhe shefi i sektorit, z. Afrim Prokshi.

Z. Gruda theksoi se të gjitha shqetësimet e ngritura do të merren në konsideratë dhe shtoi se Komuna është duke shqyrtuar mundësinë e subvencionimit të operatorëve që operojnë në fshatrat me numër më të vogël udhëtarësh. Sa i përket vendndaljeve në rrugën Komoran–Carralevë, ai sqaroi se Komuna ka komunikim të vazhdueshëm me Drejtorinë e Rrugëve në kuadër të ministrisë përgjegjëse dhe se janë dërguar kërkesa lidhur me dëmtimet e rrugëve dhe vendndaljet e autobusëve. Ai theksoi se do të parashtrohet përsëri kërkesë, pasi kjo çështje nuk është në kompetencë të Komunës.

Ndërsa, z. Prokshi theksoi se do të shqyrtohen format e mundshme të subvencionimit dhe se në plan, tek objektivat, është paraparë një gjë e tillë, si dhe gjatë procedurës së re të kontraktimit do të zhvillohen bisedime me secilin operator që aplikon, me qëllim të gjetjes së një zgjidhjeje të përshtatshme për një mënyrë të subvencionimit.

Takimin e mbylli Udhëheqësi i Zyrës për Komunikim me Publikun, z. Bekim Dobra, duke i falënderuar të pranishmit për pjesëmarrje dhe angazhimin e tyre në këtë konsultim publik. Ai njoftoi se Draft Planit Komunal për Transportin Lokal do të mbetet në shqyrtim publik deri më 20.07.2026, në orën 16:00, dhe se të gjithë të interesuarit mund t'i dërgojnë komentet dhe sugjerimet e tyre në adresën elektronike të Drejtorisë së Shërbimeve Publike dhe Emergjencë, për ndryshimin ose plotësimin e këtij draft-dokumenti.

Konsultimi publik përfundoi në orën 14:40.

Lista me pjesëmarrësit:



Republika e Kosovës
Republika Kosova-Republic of Kosovo
Komuna e Drenasit
Opština Drenas-Municipality of Drenas



Lista e pjesëmarrësve në Konsultimin Publik për Draft-Planin Komunal për Transportin Lokal në Komunën e Drenasit (Glllogocit) 2026-2031, datë: 17.07.2026

Nr.	Emri	Mbiemri	Gjinia M F	Nënshkrimi
1.	Arben	Lama	F	Arben
2.	Bakim	Dobra	M	Bakim
3.	Elkendi	Thaçi	F	Elkendi
4.	BESART	BAJRAMI	M	Besart
5.	SHABAN	DABRA	M	Shaban
6.	GRANIT	ELSHANI	M	Granit
7.	HAFIZ	MUJA	M	Hafiz
8.	HASRUSH	MUSCISA	M	Hasrush
9.	Kushtrim	Kastrati	M	Kushtrim
10.	Bahije	Spahiu	F	Bahije
11.	Antigona	Durmishi	F	Antigona
12.	ARDE	VEJSE - BERISHA	F	Arde
13.	ADELINË	DERVISHI	F	Adeline
14.	Vlora	Zuçaku - Morina	F	Vlora
15.	FLORIM	GELI	M	Florim
16.	HABIB	GASHI	M	Habib
17.	Hasime	Gashi	F	Hasime
18.	Anjeza	Plakaj	F	Anjeza
19.	Erjona	Krasnigji	F	Erjona
20.	Valmire Morina	Shala	F	Valmire
21.	Beqir Morina		M	Beqir
22.	Arif Proshi		M	Arif
23.	Arif Proshi	Bojta	M	Arif
24.	Djellor	Gj/ky	F	Djellor
25.	Antigona	Rusolli	F	Antigona
26.	GRANIT	KARAGICA	M	Granit

* Në këtë tabelë, përveç kësaj liste, do të bëhen fotografi dhe, në nënshkrimin tuaj, pajtohesh që fotografimet dhe kjo listë të përdoren për komunikim zyrtar.



27.	Burbuge	Hoxha	F	Burbuge
28.	Valentina	Bylykbashi	F	Bylykbashi
29.	GERIM	HASDINI	M	Hasdini
30.	Artinda	Murtez	F	Murtez
31.	SHUKRIE	Azu	F	Azu
32.	Kaltrina	Qerkingaj	F	Qerkingaj
33.	Enrer	Hoxha	M	Hoxha
34.	Krian	Kufaj	M	Kufaj
35.				
36.				
37.				
38.				
39.				
40.				
41.				
42.				
43.				
44.				
45.				
46.				
47.				
48.				
49.				
50.				
51.				
52.				
53.				
54.				
55.				
56.				
57.				
58.				
59.				
60.				
61.				
62.				

* Në këtë tabelë, përveç kësaj liste, do të bëhen fotografi dhe, me nënshkrimin tuaj, pajtohemi që fotografisë dhe kjo listë të përdoren për kumshulliv zyrtar.



Foto nga mbajtja e debatit publik me qytetarë





Përgatiti:

Bahtije Spahiu
Anëtare e Grupit Punues

B. Spahiu

